

## **Comfort Scriptures**

**2 Qorontoosiitti 1:2-4 Waaqayyo abbaan keenya gooftaan keenya Yesus Kristosis ayyaana, nagaas isiniif haa kenu! 3 Waaqayyoof, abbaa gooftaa keenyaa Yesus Kristos, abbaa araara hundumaaf, Waaqayyo jajjabina hundumaaf galanni haa ta'u! 4 Jajjabina isa Waaqayyo biraa arganne sanaan, nuyi immoo rakkina attamii keessatti iyyuu warra kaan akka jajjabeessinuuf, inni rakkina keenya hundumaa keessatti nu in jajjabeessa.**

**Fakkeenyonni 15:13 nama garaan isaa gammade fuulatu ifa, namni garaan isaa gadda qabu garuu yaadni isaa cabaa dha;**

**1 Kings 8:66 Ayyaanichi ba'ee bulee Soloomoon mootichi, 'Gara mana keessaniitti galaa!' jedhee, gad isaan dhiise; namoonnis Soloomoon mooticha eebbisaa, gaarummaa Waaqayyo garbicha isaa Daawitiif, saba isaa Israa'eliifis godhe hundumaaf isa jajachaa, garaa isaanii guutuu gammadaa, ililchaas gara mana mana isaaniitti in galan.**

**1 Chronicles 16:10 Maqaa isaa isa qulqulluudhaan of jajaa, garaan warra Waaqayyoon barbaadanii haa gammadu!**

**Fakkeenyonni 12:25 yaaddoon garaa namaa keessa yoo jiraate, gad nama qaba; dubbii gaariin garuu nama gammachiisa.**

**Fakkeenyonni 13:12 Abdiin lafa irra harkifamu garaa nama dhukkubsa, hawwiin nاماaf raawwatamu garuu muka jirenyaa ti.**

**Isaayaas 30:26 yommuu Waaqayyo caba saba isaatii walitti hidheefii, isa rukutee madeesses walitti fayyisuuf, jiini akka aduu in ifti, aduunis harka torba isa durii irra caalaa in ibsiti, kunis ifa guyyaa torbaa al tokkotti akka waan ibsituu ti.**

**Uziyaa 13:8 akka amaaketa dhaltuu ilmaan ishee jalaa butataniitti ani isaan irrattan lafa dha'a; qoma isaanii cabsee onnee isaaniis nan tarsaasa; achittis saroonni isaan in nyaatu, bineensi caakkaas isaan in babbaqaqsa.**

**1 Saamu'elitti 1:8 Elqaanaan abbaan manaa ishee, 'Yaa Haannaa! Maaliif boossa? Maaliif garaan keeakkana gadda? Maaliifis midhaan hin nyaattu? Dhugumaan ani ilmaan kudhan irra siif hin wayyuu ree?' jedhee ishee in gaafate.**

**1 Saamu'elitti 1:10 Haannaan garaa isheetti guddaa gadditee, mararamtee boo'aa Waaqayyoon in kadhatti turte.**

**Psalms 25:16,17 Fuula kee gara kootti deebisi, araara anatti argisiisi! Anoo kophaa koo ti, gadadamaa dhas. 17 Garaa kootti nan dhiphadha, ati na furi! Muddama ani keessa jiru keessaas na baasi!**

**Psalms 34:18 Waaqayyo warra garaan isaanii cabetti dhi'oo dha, warra yaadni isaanii caccabee bullaa'es in fayyisa.**

**Psalms 38:8 Humni koo na bushaa'e, raawwadhees nan caccabe, yaadni koo dhiphatee sababiin aaduufis nan iyya.**

**Psalms 55:4 Keessa kootti lapheen koo in sirba; naasuun du'aas ana irratti lafa in dha'e.**

**Psalms 61:2,3 Erga garaan koo citee andaara lafaatii sin waammadha, kattaa ol ka'aa ani bira ga'uu hin dandeenyen na ga'i! 3 Ati anaaf iddo kooluu itti galanii dha, diina duratti ati riqaah dhaaga isa jabaah dha.**

**Psalms 62:8 Isin yaa warra saba isaa taatanii, yeroo hundumaa isa amanadhaa! Wanta garaa keessanitti yaaddan isa duratti dhangalaasaa! Waaqayyo isa nuyi kooluu itti galluu dha.**

**Psalms 73:26 Foon koo, keessi namummaa koos yoo gad dhuman iyyuu, Waaqayyo garaa koo in jajjabeessa, bara baraanis qooda anaaf in ta'a.**

**Psalms 77:2,3 Ani guyyaa rakkina kootti goofticha nan barbaaddadhe; lubbuun koos jajjabaachuu dinnaan, halkan guutuu harki koo in diriirfame, hin dadhabnes! 3 Waa'ee Waaqayyo nan yaadadha, hafuura dheeraas nan baafadha; gad fageessee itti yaaduu koo irraa kan ka'es hafuurri koo in xinnaate.**

**Psalms 86:11 Ani siif amanamee akkan deddeebi'utti, yaa Waaqayyo, karaa kee na barsiisi, maqaa kee safeeffachuufis nama garaa tokkichaa na godhi!**

**Psalms 109:22 Anoo gadadamaa dha, dhabaa dhas, quuqaan keessa garaa kootii na madeesse;**

**Psalms 112:7,8 Oduu hamaa dhaga'uu hin sodaatu, Waaqayyoon waan amanatuuf garaan isaa hin shakku. 8 Hamma warra isa cunqursan irratti wanta dhufu argee gammadutti, garaan isaa cimsee amanateera, hin sodaatu.**

**Psalms 143:4 Kanaaf hafuurri na xinnaatee, garaan koos na'ee in hadoode.**

**Psalms 147:3 Inni warra garaan isaanii cabe in fayyisa, madaa isaaniis walitti qabee in hidhaaf.**

**Fakkeenyonni 14:30 Yaadni nagaa qabu namummaa namaatiif jireenya in kenna; hinaaffaan garuu lafee in bososiisa.**

**Fakkeenyonni 15:13 nama garaan isaa gammade fuulatu ifa, namni garaan isaa gadda qabu garuu yaadni isaa cabaa dha;**

**Ecclesiastes 1:13 ani wanta waaqa jalatti hojjetame hundumaa ogummaadhaan qoree ilaaluudhaaf itti nan yaade; ilmaan namootaa akka itti dhama'aniif Waaqayyo hojji rakkisaa kana kenneef.**

**Ecclesiastes 2:10 Wanta iji koo hawwe hundumaa ani hin dhowwanne, garaa koos gammaduu irraa hin dhowwine; wanta ani itti dadhabe**

**hundumaatti garaan koo in gammada, wanta ani itti dadhabe hundumaa keessaa, kun qooda koo ture.**

**Ecclesiastes 2:22,23** namni wanta aduu jalatti itti dadhabee, garaa isaatiinis itti dhama'u hundumaa keessaa maal argata? 23 Barri isaa hundinuu dhiphinaan, wanti inni itti dadhabus gaddaan guutuu dha; halkan illee yaadni isaa boqonnaa hin qabu; kunis immoo wanta waa'ee hin baafnee dha.

**Ecclesiastes 11:10** Mucummaanii fi dargagummaan waan darbaniif, yaaddoon si irraa haa fagaatu, dhagna kee keessaas dhibeen haa badu!

**Isaayaas 30:29** Isin garuu yeroo sanatti faarfanna Isa guyyaa ayyaana qulqulluu galgala faarfatan sana in faarfattu; akka Isa yeroo sabni ululleedhaan faarfachaa gara tulluu Waaqayyootti Isa kattaa Israa'el jedhamee beekametti ol ba'u sanaatti garaa guutuudhaan in gammaddu.

**Isaayaas 57:15** Ani inni ol jedhaan, guddaan, bara baraan kanan jiraadhu, maqaan koo qulqulluu kan ta'e, iddo ol ka'aa fi iddo qulqulla'aan nan jiraadha; warra garaan isaanii cabee fi warra gad deebi'anii wajjinis nan ta'a; hafuura warra garaan isaanii cabee fi warra gad deebi'anii nan haareesa.

**Isaayaas 65:14** Kunoo, garboonni koo garaa isaaniitti gammadanii in faarfatu, isin garuu garaan keessan waan gadduuf, hafuurri keessanis waan cabeef in wawwaattu!

**Isaayaas 66:13,13** Haati mucaa ishee akkuma urursitu, anis akkasuma isin nan urursa; Yerusaalem keessatti jajjabina in argattu. 14 Isin kana yommuu argitan in gammaddu, akka margaas in laliftu; irreen ana Waaqayyo, garboota koo biratti in beekama; diinonni koo garuu dheekkamsa koo in argu' jedha.

**Ermiyaas 15:16** Yaa Waaqayyo gooftaa maccaa, ani kan kee ti'o, dubbii kee yommuun argadhe, akka nama buddeena nyaatuutti Isa nan nyaadhe, innis garaa koo gammachuu fi qannoodhaan in guute.

**Ermiyaas 24:7** ani garaa isaan ittiin ani Waaqayyo akkan ta'e beekan isaaniif nan kenna; garaa guutuudhaan gara kootti in deebi'u; ani Waaqayyo isaaniif nan ta'a, isaanis saba koo in ta'u' jedhe.

**Yohaannisi 14:1** Yesus itti fufee bartoota isaatiin, `Garaan keessan hin raafamin, Waaqayyootti amanaa, anattis amanaa!

**Yohaannisi 14:27** Nagaa isin biratti nan hambisa, nagaa koo isiniif nan kenna; ani akka biyyi lafaa kennuttan isiniif kenna miti, garaan keessan hin raafamin, hin sodaatinis!

**Yohaannisi 16:6** Waan ani kana jedheef immoo, garaan keessan baay'ee gaddeera.

**Yohaannisi 16:22** Akkasuma isinis amma gadda qabdu; garuu ani deebi'ee

**isin nan arga, garaan keessanis in gammada, gammachuu keessanis eenyu illee isin duraa hin fudhatu.**

**Hujii Ergamtootaa 2:46 Guyyaa guyyaatti yaada tokkoon mana qulqullummaatti deddeebi'anii, manuma mana isaaniittis buddeena cabsatanii, gammachuudhaan, garaa qulqulluudhaanis nyaata isaanii waliin ga'anii in nyaatu turan.**

**Roomaatti 9:2 Wanti ani dubbadhu, wanti yaadni garaa koo dhugaa anaaf ba'us, gadda guddaa akkan qabu, gaddi kunis utuu gargar hin citin garaa koo kan na dhukkubsu akka ta'ee dha.**

**2 Qorontoosiitti 2:4 Yaadni garaa koo guddaa utuu rakkatuu utuu dhiphatuu, imimmaan baay'ee lolaasaa isiniif caafuun koo, jaalala guddaa ani isiniif qabu sana akka beektaniif malee, isin gaddisiisuuf miti.**

**Efesooniitti 5:19 Qooqa garaa garaatiin, faarfannaal galataatiin, weedduu hafuuraatiinis wal harkaa fuudhaa! Garaa keessan keessatti faarfachaa galata gooftaa dhageessisaa!**

**Pastor T. John Franklin  
Church of Salvation, Healing, and Deliverance  
COS-HAD.org**